



ԱՄՆ-Ի ՀԱՅՈՑ ԱՐԵՎԵԼՅԱՆ ԹԵՄԻ ԱՌԱՋՆՈՐԴ Տ. ԹՈՐԳՈՄ
ԱՐՔԵԱԽԻԿՈՊՈՍ ՄԱՆՈՒԿՅԱՆԸ ԵՎ ԹԵՄԱԿԱՆ ԽՈՐՀՐԴԻ
ԱՏԵՆԱՊԵՏ ՏԻԱՐ ԶՈՆ ՆԱԶԱՐՅԱՆԸ ՄԱՅՐ ԱԹՈՌԻՍ

Հուլիսի 10-ին, կիրակի օրը, ուխտավորաբար Մայր Աթոռ ժամանեցին ԱՄՆ-ի հայոց արևելյան թեմի առաջնորդ տ. Թորգոմ արքեպիսկոպոս Մանուկյանը և թեմական խորհրդի ատենապետ, դատավոր Զոն Նաջարյանը:

Մայր տաճարում իրենց ուխտն ու աղոթքը կատարելուց հետո, տ. Թորգոմ սրբազանը և ատենապետ Զ. Նաջարյանը ընդունվեցին Հայոց Հայրապետի կողմից:

Վեհաքառնում ջերմ մթնոլորտում տեղի ունեցավ սրտագին գրույց՝ ԱՄՆ-ի հայոց եկեղեցական կարևոր հարցերի շուրջ:

Մայր Աթոռում գտնված օրերին տ. Թորգոմ սրբազանը և պրն. Զ. Նաջարյանը այցելեցին Մայր տաճարին առընթեր եկեղեցական արվեստի թանգարան, Նոր Վեհարան, թանգարանի վերածված Հին Վեհարան, խմբագրություն, հոգևոր ճեմարան, մայրավանքի գրասենյակներ, վանական սեղանատուն, Մայր Աթոռի տպարան, Սարդարապատ, Երևանի և Սարգիս եկեղեցի, Ծիծեռնակաբերդ, ֆիզիկայի ինստիտուտ, Մատենադարան, Բյուրականի հայրապետական ամառանոց, Բյուրականի աստղադիտարան, ուր տեսակցություն ունեցան ակադեմիկոս, մեծանուն գիտնական Վիկտոր Համբարձումյանի հետ, Պետական թանգարան, ապա Սևան, Հաղարծին, Հայաստանի մայրաքաղաքի տեսարժան վայրեր և ուխտի գնացին և Գեղարդ և Խորվիրապ:

Հուլիսի 17-ին, Վարդավառի տոնին, Մայր տաճարում հանդիսավոր և պատա-

րագ մատուցեց տ. Թորգոմ արքեպիսկոպոս Մանուկյանը:

Ս. պատարագին ներկա էին Վեհափառ Հայրապետը, ինչպես նաև Ռումինիայի և Բուլղարիայի հայոց թեմերի թեմակալ առաջնորդ տ. Տիրայր եպ. Մարտիկյանը, ուխտավորաբար Մայր Աթոռում գտնվող բելգիացի հայտնի հոգևորական գործիչ, կանոնիկոս Ռայմոն Գորը, նաև մի խումբ ամերիկահայ ուխտավորներ:

Ս. պատարագին ներկա էին նաև ՀՍՍՀ Միևիստրների սովետին առընթեր հայ եկեղեցու գործերի խորհրդի նախագահ Սարգիս Գասպարյանը և տեղակալ Անդրանիկ Հասարայանը:

«Հայր մեր»-ից առաջ քարոզեց Վեհափառ Հայրապետը՝ «Եւ լուսաւորեցան երեսք նորա իբրեւ զարեգակն, եւ հանդերձք նորա եղեն սպիտակ իբրեւ զլոյս» (Մատթ. ԺԷ 2) բնաբանով:

Իր քարոզի մեջ Հայոց Հայրապետը վեր հանեց Թափոր լեռան վրա Քրիստոսի պայծառակերպության դեպքի հոգևոր և քարոշական նշանակությունը և՛ եկեղեցու կյանքում, և՛ քրիստոնյա անհատի կյանքի ու գործունեության մեջ: Այնուհետև Նորին Սրբությունը հայրական ջերմ սիրով ողջունեց ներկայությունը Մայր Աթոռում տ. Թորգոմ արքեպիսկոպոսի, տ. Տիրայր եպիսկոպոսի և ԱՄՆ-ի հայոց թեմական խորհրդի ատենապետ պրն. Զոն Նաջարյանի:

Հայոց Հայրապետը ջերմ սիրով ողջունեց նաև ներկայությունը Մայր տաճարում կանոնիկոս, հայր Ռայմոն Գորի:

Այնուհետև Վեհափառ Հայրապետին ուղղված որդիական երախտագիտության ջերմ խոսքով հանդես եկավ տ. Թորգոմ սրբազանը՝ շեշտելով սփյուռքի մեր ազգային-եկեղեցական կյանքում Մայր Աթոռ ս. Էջմիածնի և վերածնված մայր հայրենիքի կատարած փրկարար ու նախախնամական դերը ազգապահպանման սրբազան առաքելության ճանապարհի վրա:

Ապա Հայոց Հայրապետին ուղղյալ սրբազան շնորհակալության խոսք ասաց կանոնիկոս Ռայմոնդ Գորրը՝ հայ եկեղեցու դարավոր կենտրոն ս. Էջմիածին և աստվածաշնչական Հայոց աշխարհ այցելելու ուրախ առիթով:

Ժամը 16.30-ին Վեհաբանում, ի պատիվ տ. Թորգոմ սրբազանի, Ջ. Նաջարյանի և կանոնիկոս Ռ. Գորի, տրվեց հրաժեշտի ընդունելություն, որին ներկա եղան տ. Կոմիտաս, տ. Տիրայր և տ. Արսեն սրբազանները, Մայր Աթոռի միաբանության ան-

դամները, Ա. Հատիտյանը, Գ. Քեհյալանը, Արարատյան թեմի թեմական խորհրդի անդամապետ Մուշեղ Մերոփյանը, ամերիկահայ ուխտավորներ տեր և տիկին Էդվարդ Պողոսյանները:

Ընդունելությանը ներկա էին նաև ՀՍՍՀ Միևիատրների սովետին առընթեր հայ եկեղեցու գործերի խորհրդի նախագահ Մարգիս Գասպարյանը և տեղակալ Անդրանիկ Հասարայանը:

Ընդունելության ժամանակ ողջերթի և շնորհակալության ջերմ խոսքեր արտասանեցին Վեհափառ Հայրապետը, տ. Թորգոմ սրբազանը, կանոնիկոս Ռայմոնդ Գորրը, Ջոն Նաջարյանը և «Արմենյըն րիփոթթ» թերթի խմբագիր Էդվարդ Պողոսյանը:

Հուլիսի 19-ին, երեքշաբթի օրը, առավոտյան, Թորգոմ սրբազանը և Ջոն Նաջարյանը հրաժեշտ տվեցին Վեհափառ Հայրապետին և մեկնեցին Մայր Աթոռից լավագույն տպավորություններով:

